

a1<sup>v</sup>

Der Durchleüchtigen Hochge  
bornen Fürftin/ fraw Elizabet/ Pfaltzgräuin  
bey Rhein/ Hertzogin in Beyern/ vnd Gräuin zů Vel-  
dentz/ gebornen Landgräuin in Heffen/  
Wittwe.

GNad barmchertzig/  
keit/ bnnd troft durch Jhefum  
Chriftum. Nach dem Paulus der heylig Apo-  
ftel inn der erften Epiftel zum Timotheo (die  
ich dife zeit zů predigen fürhab) vnder vil an-  
dern Chriftlichen ermanungen/ befilcht/ das  
man die witfrawē/ die rechte wittwe feind/ in  
eeren halten vnd yn behilflich vñ troftlich fein  
foll/ vnnd aber E. F. G. gůt gerücht bey vilen  
gůthertzigen/ diß Chriftlich vnnd war adelich  
zeügkniff hat/ wie das fy als ein heilige wittwe/ yr hoffnung auff Gott getellet  
vnd im gebett/ ernftlichem bitten vnd anderē gōtlichen übungen tag vñ nacht  
verharret/ auch yre kinder zů warer Gottes huld vnderweifet/ galtfrey gegen  
armen/ den trübfeligen handtreychung thůt/ vnd allen gůten wercken nachkū-  
met/ hab ich/ dem befelch Pauli/ wie obgfage nachkommen/ E. F. G. zů befun-  
derm troft/ vereerung vnd behilff/ dife zwen Sendbrieff des heiligen Hieroni-  
mi. Den einen/ Von haltung der witwefchafft/ vnd verlaßner kinder auffzie-  
hung/ an die witwe Saluinā. Den andern/ Wie ein jung dōchterlin foll Chrift-  
lich [?]ferzogen werden/ an den Gaudencium gefchriben/ wōllen verteütchē  
vnd im truck vnder E. F. G. nammen (deren dife bede gfchrifften fich fast wol  
fügen/ alfo das wa die titel geendert vnd für Saluina Elizabet/ für Nebridi-  
us Vuolffgang/ vnnd für Pacatula/ Chriftina ftunde/ gantzlich fich anfehen  
ließ/ es hett der heylig Hieronymus zů E. F. G. vnd den yren gefchriben) wōllē  
laffen außgan/ vnd auff diß. xxxiiij. jar/ zů einem glückfeligen anfang vnd neü-  
wen jar überfenden/ gantz gůtter hoffnung/ das neben anderm ernftlichem le-  
fen vnd trachten in gōttlicher gefchriefft E. F. G. als einer wittwe nit vndienft-  
lich fein werde zů vernemmen/ wie auch die alten Chriftlichen lerer/ vnder wel-  
chen Sanct Hieronymus nit der wenigft ift/ zů folchen ftenden vnd Chriftlich-  
er zucht ermanet haben. Es haben zwar in den büchern des Neüwen Testa-  
ments alle ftend exempel/ denen fy nachfolgen follen. Junckfrawen/ vermähel-  
te vnd witwe. Vnd vñlicht wie Ambrosius fchreibt/ die kirch darumb ein jück-  
fraw braut vnd witwe. Diweil wir ein leib in Chrifto feind/ vñ Gott der Herr  
durch Jhefum Chriftum reich ift gegen allen die yn anrűffen/ auch bey jm kein  
anfehung der perfon giltet/ funder wie in allen vōlckern/ alfo auch in allen ften-  
den vnd ordnungen/ es fey junckfraw/ fraw / witwe/ wer yn förchtet/ vnd recht

thût/ der ift ym angeneh.

Es erfcheinet auß difen vnnd andern meer gſchriſſten Hieronymi/ als ob er  
den

a2<sup>r</sup>

den Eeftand/ vnd fürnemlich die Digamey/ das ift fo Man fich zum and<sup>en</sup> mal verheyrattet/ zûwider were. Das aber von difem heiligen vnd gſchriſtuerften digen mann keiner anderen meynûg foll verftanden werden/ wie dam fein felbs bûcher/ vnd namlich die Apology vnd verantwortung zum Panmachio zeû get/ dann/ dieweil alles diß leben kurtz vnd zergenglich ift/ alfo das ob ſchow et was wollufts in der Ee feye/ doch der ſtadt darumb nit zûachten/ das er im kûrtze fein end nemme/ darumb vnſer Hieronymus etwa die regel gibt/ wider den anmût ſich weiter zû vermâheln/ namtlich im brieff zû der witfrauwen Furia/ Gedenck teglich das du ſterben werdeſt/ fo wirftu nimmer meer von einem andern mann gedencken.

Wie damm auch vnſer lieber Herr Chriſtus gewôlt haet/ das die Chriſten vnd ſeine junger diſe meynung ſolten haben/ das ſy auff den letſten tag des vrteils allweg bereyt vnd gerûft warten ſolten/ als der bald vnd vnuerſehenlich kum<sup>en</sup>ge wûrde. Nie das er wolte/ das ſy irreten/ funder/ das das warlich kumpt/ das ſchom über vil jar kumpt. In der meynung nun Petrus/ Paulus/ Hieronymus/ Gregorius/ vnd audere gwefen ſeind. Sunft hat diſer heyliger mann wol gewiſt wie geſchriben ſtadt. Heb. xij. Die Ee ift eerlich bey allen/ vnd das heet der Eeleût vnbefleckt. Die hûrer aber vnd Eebrecher wirt Gott richten. Haß auch ja nit môgen leücknen/ als ob die gefatz Chriſti nit gantz billich vnnd gecht weren/ man vergleiche ſy mit natürlichē oder menſchlichen gſatzen. Welcher Hers Jeſus Chriſtus zwar mit gebot nie erfordert/ damit nit erfchine/ als ob er wider die natur kempffen wolte/ Aber ſelig nennet er die jhenigen/ die das begreifen môgen. Wiewol er daran hengt. Vmbe reich Gottes willen/ vn̄ nen net Gottes reich die predig des Euangelij/ hiemit auff jhene zeie fürmenlich zû deütten/ dann ein zeit ift zû heyrathen/ ein zeit ſich daruon zû enthalten. Wie dann Gott durch ſeinen geiſt vnd ſalbung/ alle die yhn recht anrûffen/ wie da ſeind die verordneten ins ewig leben/ wol vnderweiſen wirt. Vnd diß fey gefaget zûbefriden die jhenigen/ die ſich beſchwören môchten/ das diſe bûcher Hieronymi/ als ob ſy etlicher maß dem Eeftand entgegen (das aber doch in warheit gar nit ift) verteüfcht wurden.

Ferrer Gnedige Fürſtin/ als man in Hiſtorien hat/ das elwam faſt weiße vn̄ verftendige wittwe gſein/ die yhre kinder wol auffgezogen/ das gantze Kônigreich vnd herrſchafften/ dardurch hoch ſeindt erfreüwet worden/ vnd aber E. F. G. on zweifel wol bewiſt ift Gottes zûſag in Paulo/ das das weib ſelig wirt duech kinder geperen/ fo ſy bleiben in glauben/ liebe/ heyligung vnd keüflichkeit. j. Timoth. ij. Thût E. F. G. Chriſtlich vnd treflich wol/ das ſy mie yrn kindern dem jungen Herrn vnd frewlin/ ſy züchtiglich gerecht vnd Gotefeliglich/ zû den eeren Gotees/ Chriſtlichem gmeynem nutz/ vnd Chriſtlicher erbarkeit/ vff zû ziehen nichts vnderlaſſet. Derwegen dann E. F. G. getrachtet haben/ nach dem frummen wolgelerten vnd fleißigen mann Herr Caſpar Glaſer/ yhn dem jungen Herrn Hertzog Vuolffgangen zum leermeiſter fürzûſetzen. Darauß

dañ vermitlung Götlicher gnaden/ rechter zucht vnd auffziehung groffe wol-  
fart dem Hertzogthumb zu verhoffen ift.

Man lifet bey Platone/ das fo etwan ein Fürft oder König in Aſia geborn/  
alles Afier land jährlich auff feinen geburt tag/ freud vnd feyrtag gehaleem/ vn̄  
fo der jung Herr fein liben jar erlanget/ haben fy yn zur reütterey vnd dem ge-  
jåg gezogen. Vnnd da er vierzehnen jar alt worden hat man ym auß dē fürereff-  
lichten im land vier Pedagog vnnd leermeyfter erwólet/ Den erften ein faft

a ij weifen

a2<sup>v</sup>

weisen gotsföchtigen mann/ der yn den Gotsdienft lerete. Den andern ein falt gerechten mann/ der yn warheit leret. Den dritten ein falt meffigen fittigē vnd befcheydenen mann/ der yn der meffigkeit halb berichtet/ damit er von keiner anfechtung überwunden/ vnd er in warheit ein Fürft vnd König fey/ der ernstlich über die ding/ fo in ym felbs feind regieret/ vnd von keiner böfen begird überwunden wurde. Den vierdten/ ein falt mañlichen dapffern Helden d<sup>9</sup> den jungen König oder Fürften freyheit lernet handthaben/ damit er niemandts knecht oder gefangner wurde.

Nun bey vns Chriften/ dieweil Chriftlicher tugenten ein kettin vnd zûfamen fchraubung ift/ das fy fich nit gern von einander fcheyden/ von vnnöten ift/ d<sup>3</sup> ein junger fo vil zuchtmeyster habe/ wa der güttig Gott/ einen Chriftlichē Pedagogen vnd leermeyster/ zû hohen eeren der eltern vñ groffer wolfart der vnderthonen verleyhet (wie ich hoff nit on befundere fchickung Gottes E. F. G. für den jungen Herrn/ difen Herr Caspar Glafer worden fein/ mag vnd foll ein einzale perfon/ dife vier ding alle vñ auffs Chriftlichft fürtragen/ einbilden vñ einfcherpfen/ als namlich vnd vor allen dingen gotsforcht/ ein rechte ware religion/ Warheit. Ein züchtig befcheyden erbar leben. Ein mannlich Fürftlich Helden gmüt/ das nach der freyheit/ fo vns die warheit vnd d<sup>9</sup> fun Gottes frey gemacht hat/ eifert/ vnd ernstlich darob haltet. Vnd ift nit biß in das viertzehēt jar zû warten/ wie die Afiatifchen thetten/ funder nach den fiben jaren anzûfahen/ vnd gantzlich darob zûfein (dieweil was außbündig in yedem ding werdē foll/ flucks darzû muß angerichtet werden) das die fo von geburt hoch/ auch in tugent vnd warem Adel hoch vnd berühmpt werden. Darab dañ ein gantz lād/ vñ fo vil theurer feelen für die Chriftus fein blüt vergoffen/ nit ein jährlichē feyr oder freuden tag/ funder teglich vnd on vnderlaßne frolockung dieweil gotfeliglich geregiert wirt/ witwe vnd weyßen befchirmpt/ fy die vnderthonen veterlich bedacht werden/ zû erwarten hat. Vnd wie man funft faget auß der gefchrifft/ wee dem erdtrich des König ein kind ift/ das da in warheit glagt wirt/ wol dem land/ da der regierer vnd Fürft von jugent auff des Herrn joch getragen/ vnd Gott von gantzem hertzen vnd feelen gefücht hat.

Für d<sup>3</sup> jung frewlin Chriftina hat hie E. F. G. auch ein hübfch lefen fo Hieronimus zum Gaudencio fchreibt von wegen der Pacatula/ wie ein töchterlin fo es noch weder güts oder böfes weyß fol auffgezogen werden. Seind hierinn vil hübfcher tugenten vñ eigenschafften fo ein Hoffmeysterin oder zuchtfraw vnd auch ein jung töchterlin an ynen haben follen. Darinnē man aber zû vermercken hat den treflichen fleiß der alten theuren Chriften/ die fo frū vnd zeitlich gelügt haben/ was fy in die neüwe töpff vnd häfen thetten/ daruon fye allzeit yren gefchmack haben folten. Wiewol aber difer fleiß alweg fein solt/ yedoch in den geferlichen zeiten/ darinn fleißiger auff zûfehen vnd zûwachen ift. Als Hieronimus diß fchreib/ was ein bewegung in aller welt. Die Hauptftatt Rōmifchs Keyferthumbs durch brand verhergt/ das Rhōmifch blüt teglich ver-

goffen/ die lender Scithiam/ Thraciam/ Macedoniam/ Dardanium/ Daci-  
am/ Theffalonicam/ Achaiam/ Epirum/ Dalmaciam/ vñ gantz Vngerland/  
vnd Ofterreich verwülfen vnd verhergten die Gotthi/ Huni/ Vuandali. Wie  
vil herrlicher matronen/ frawen/ vnd junckfrawen feind durch fy gefchwecht  
vñ gefchēdet wordē. Die Bifchöff gefangē/ die priefter erwürgt/ die Rōmer in  
aller welt im ellend. Vile d<sup>9</sup> lünden/ freyheit zū lündigen/ die heiligen tempel inn  
kriegsleüffen zū efchen verbrunnen/ groffer geitz/ verachtung der armen. Wie  
ftats

a3<sup>r</sup>

ftats yetzund fo ich diß verteütſch/ Anno. M. D. xxxiiij. Was boßheit müß  
 willen/ verachtung vnd lefterung Gottes vnd feins wort/ was vnfreündtlichs  
 vnbrüderlichs/ vnchriſtlichs lebens gat für in aller welt/ wie vil jamer vnd vn-  
 glück begert der teüfel bede in geyftlichem vnd weltlichem regiment anzürich-  
 ten. Wie vil vnſchuldiger feind hin vnd her im ellend/ was foll ich ſagen vō dem  
 geitz vnd verſchmähung der armen. Jch geſchweig ſunſt hunderterley/ darob  
 ſich ein yeder frummer Chriſt teglich wol zūbeklagē hat. Vnd auch wol möcht  
 gſagt werden/ zū einem kind das yetzund geboren. Es wurde ſich meer vmb ere-  
 hern daß vmb gelechter verſtan werden/ ee das weynen daß die freüd befindē/  
 Vnd wir gwißlich mit dem heyligen Polycarpo wol ſprechen. O Gott in was  
 zeit haſtu vns gefetzt. Das ſolle nun Gnedige Fürſtin vnd witwe (wie daß den  
 fo Gott lieb haben alle ding zum güthen fallen) vns zūmal alle darzū verurfa-  
 chen/ das wir deſt gegründter im glauben beſtanden/ im geſchefft vnſerer felig-  
 keyt wachen/ in aller wider wertigkeit vns gehertzt vnd mālich halten/ die ju-  
 gent gottfeliglich auffziehen/ wir ſelbs auch züchtig gottfeliglich vñ gerecht  
 leben/ vnd in der liebe vns alle ding laſſen widerfaren/ welchs daß iſt ein Chriſt-  
 lich leben/ vnd wol denen die in ſolchem erfunden werden. Sollichs der almech-  
 tig ewig Gott E. F. G. ſampt jrn kindern dem jungen Herrn vnd frewlin/ vnd  
 allen dies von hertzen begeren/ gnädigklich verleyhen auff diß neüw vnnd alle  
 jar/ auch meeren/ krefftigen/ oder volfüren wölle/ Amen. Geben Straßburg.  
 Jm jar. M. D. xxxiiij.

E. F. G.

williger Caſpar Hedio Doc-  
 tor im Münſter zū  
 Straßburg.

a ij Ein